

金匱翼

二

上海文瑞樓印

金匱翼卷三目錄

膈噎反胃統論

痰膈

血膈

氣膈

蟲膈

梅核膈氣

雜療方

虛勞統論

營衛不足

肺勞

心勞

腎勞

脾勞

風勞

熱勞

乾血勞

傳尸勞

發熱統論

勞倦

火鬱

血虛

陽浮

痰積

瘀血

骨蒸

食積酒毒發熱

藏府血氣分治

惡寒

瘡疾統論

風瘡

溫瘡

溼瘡

痺瘡

牡瘡

痰瘡

食瘡

虛瘡

疥瘡

金匱翼卷三

飼鶴山人尤在涇先生怡集

長洲後學徐錦炳南氏讀

膈噎反胃統論

膈隔也。飲食入咽不得輒下。噎塞膈中。如有阻隔之者。故名曰膈噎。又其病正在膈間。食不得下。氣反上逆。隨復吐出。故又名膈氣。反胃者。飲食入胃。全無阻隔。過一二時。輒復吐出。有反還之意。故曰反胃。甚者朝食暮吐。暮食朝吐。有翻傾之義。故亦名翻胃。不似噎隔之噎。然後吐。不噎則不吐也。

噎隔之病。有虛有實。實者或痰或血。附着胃脘。與氣相搏。翳膜外裹。或復吐出。膈氣暫寬。旋復如初。虛者津枯不澤。氣少不充。胃脘乾癆。食澁不下。虛則潤養。實則疏滌。不可不辨也。

飲食下咽。不得入胃。為噎。食不下通。氣反上逆。為塞。東垣乃謂陽氣不得出者。為塞。陰氣不得降者。為噎。豈非謂入食從陰。而氣出從陽耶。其文則深。其旨反晦。至謂先用陽藥治。本後用諸寒瀉標。吾不知其何所謂矣。

子和論膈噎累累數百言。謂三陽結熱前後閼澁下既不通必反上行。所以噎食不下。夫膈噎胃病也。始先未必燥結。久之乃有大便秘少。若羊矢之證。此因胃中津氣上逆不得下行而然。乃胃病及腸。非腸病及胃也。又因河間三乙承氣之治。謂噎膈之病惟宜用下。結散陽消。其疾自愈。夫脫膈之病豈下可去。雖仲景有大黃甘草東垣有通幽潤腸等法。為便秘嘔吐者立然。自是食入輒吐之治。非所論于食噎不下也。獨其所謂慎勿頻攻。宜先潤養。小著湯丸累累加用。關局自透。或用苦酸微湧。膈涎因而治下。藥勢易行。設或不行。蜜鹽下導。始終勾引。兩藥相通者。其言甚善。蓋痰血在脘不行不愈。而藥過病所。反傷真氣。非徒無益矣。故以小丸累加。適至病所。無過不及。以平為期。則治噎之道也。但須審是痰是血而行之耳。

膈噎之證。大都年踰五十者。是津液枯槁者居多。若壯年氣盛。非血即痰。近見有津液枯槁之劑。治一少年肥實男子。至死不悟。哀哉。鶴年

先嬌傳一方云。用燒酒一斤。浸海蜃花頭一斤。入磁瓶內。埋地數年。則海蜃化

為水矣。

厥飲半酒杯
妙鶴年又識

痰膈

痰膈因七情傷于脾胃鬱而生痰痰與氣搏升而不降遂成噎膈其病令人胸膈痞悶飲食輒噎不得下入胃中必反上逆而嘔與痰俱出治法宜調陰陽化痰下氣陰陽平均氣順痰下病斯已矣

和劑四七湯 治喜怒哀思悲恐驚之氣結成痰涎狀如破絮或如梅核在咽喉之間咯不出嚥不下此七情所為也中脘痞悶氣不舒快或痰飲嘔逆惡心並皆治之

半夏

製二錢茯苓

六錢紫蘇葉

厚朴

薑製一錢二分

水一盞生薑七片紅棗二枚煎

至八分不拘時服

丁沉透膈湯和劑治脾胃不和痰逆惡心或時嘔吐飲食不進十膈五噎痞塞不通並皆治之

人參

砂仁

香附

各一兩青皮

木香

肉豆蔻

白豆蔻

丁香

各半兩

陳皮

藿香

沉香

厚朴

各七錢五分

草菓

半夏

神麴

各三錢半

甘草

一兩五錢

麥芽

五錢

白朮

二兩

每服四錢

水一盞

薑三片

棗

一枚不拘時熱服

滌痰丸

半夏麴

枯礬

皂角

炙剉去
皮

元明粉

白茯苓

枳殼炒等

右為末。霞天膏和丸。量人虛實用之。

血膈

丹溪治一少年。食後必吐出數口。却不盡出。膈上時作聲。面色如平人。病不在脾胃。而在膈間。其得病之由。乃因大怒未止。輒食麪。故有此證。想其怒甚。則血菀于上。積在膈間。礙氣升降。津液因聚為痰。為痰為飲。與血相搏而動。故作聲也。用二陳加香附。並汁蘿蔔子二日。以瓜蒂散散敗。醬吐之。再一日又吐痰。中見血一盞。次日復吐。見血一鍾而愈。

一中年人中脫作痛。食已乃吐。面紫霜色。兩關脈瀦。乃血病也。因跌仆後。中脫即痛。投以生新血。推陳血之劑。吐血片碗許而愈。

一中年婦人反胃。以四物加帶白陳皮。留尖去皮。桃仁生甘草酒紅花濃煎入驢尿。以防生虫。與數十貼而安。

一人咽膈間常覺有物閉悶飲食妨礙脉滑稍沉形色如常以飲熱酒所致遂用生韭汁每服半盞日三服至二斤而愈

一人食必屈曲下膈梗澁微痛脉右甚滑而關沉左却和此汚血在胃脘之口氣因鬱而為痰必食物所致詢其去臘日飲剉酒三盞遂以生韭汁冷飲細呷之盡半斤而愈

一貧叟病噎膈食入即吐胸中刺痛或令取韭汁入鹽梅酒汁少許細呷得入漸加忽吐稠涎數升而愈此亦仲景治胸痺用薤白取其辛溫能散胃脘痰涎惡血之義也愚謂此不獨辛溫散結之義蓋亦鹹能潤下而酸味最能開膈胃止嘔吐品味不雜而意旨周密殊可取也

一婦年及五十身材畧瘦小勤于女工得噎膈證半年矣飲食絕不進而大便燥結不行者十數日小腹隱隱然疼痛六脉皆沉伏以生桃仁七箇令細嚼杵生韭汁一盞送下片時許病者云胸中畧覺寬舒以四物六錢加括蕁仁一錢桃仁泥半錢酒蒸大黃一錢酒紅花一分煎成止藥一觔取新溫羊乳汁一觔合而服之半日後下宿糞若干明日腹中痛止漸可進稀粥而少安後以四物出入加減合

羊乳汁服五六十貼而安

江應宿治一老婦年近七旬患噎膈胃脘乾燥屬血虛有熱投五汁湯二十餘日而愈其方蘆根汁藕汁甘蔗汁牛羊乳生薑汁少許餘各半觔重湯煮溫不拘時徐徐服

滋血潤腸湯 治血枯及死血在膈飲食不下大便燥結

當歸酒洗三錢 芍藥煨 生地黄錢各半 紅花酒洗 桃仁去皮尖煨 大黃酒煨 枳殼麩炒各錢

水一鍾半煎七分入韭菜汁半酒盞食前服

秦川剪紅丸良方

雄黃另研 木香錢各五 檳榔 三稜煨 蓬朮煨 貫仲去毛 乾漆麩炒烟

陳皮略一兩 大黃半兩 右麪和丸梧子大每五十丸食前米飲送下吐出

瘀血及下虫為效

氣膈

氣膈病使人煩懣食不下時嘔沫淳于意作下氣湯治此疾一日氣下二日能食三日愈然下氣湯方不傳

一村夫因食新筍羹。噎納間忽為一噎。延及一年。百藥不效。王中陽乃以葦撥麥芽炒青皮去穰人參苦桔梗柴胡白蔻南木香高良薑半夏麴共為末。每服一錢。水煎熱服。次日病家報云。病者昨已痛極。自己津唾亦咽不下。服藥幸納之。胸中沸然作聲。覺有生意。敢求前劑。況數日不食。特游氣未盡。擬待就木。今得此藥。可謂還魂散也。王遂令其搗碎。米煮粥。將熟即入藥再煎一沸。令啜之一吸而盡。連服數劑。得回生。因名曰還魂散。後以之治七情致病。吐逆不定。面黑目黃。日漸瘦損。傳為噎證者多驗。但忌油膩魚腥粘滑等物。

永類鈴方。治噎膈不食。黃犬乾餓數日。用生粟或米乾飼之。俟其下糞。淘洗米粟令淨。煮粥入薤白一握。泡熟去薤。入沉香末二錢。食之。

救急療氣噎方

半夏

柴胡

各三兩

生薑

三兩

羚羊角

犀角

桔梗

昆布

通草

炙甘草

各二兩

水八升。煮三升。分三服。

療因食即噎塞。如炙嚮在膈不下方。

射干

六分

升麻

四分

桔梗

四分

木通

一錢

赤苓

八分

百合

八分

紫菀頭

二十枚

水二大升。煎九合。去渣分溫三服。食遠。

虫膈

張文仲備急方。言幼年患反胃。每食羹粥諸物。須臾吐出。貞觀中許奉御兄弟。及柴蔣諸名醫奉勅調治。竟不能療。漸疲困。候絕旦夕。忽一衛士云。服驢小便極效。遂服二合。後食只吐一半。晡時再服二合。食粥便定。次日奏知。宮中五六人患反胃者同服。一時俱瘥。此物稍有毒。服之不可過多。須熱飲之。病深者七日當效。後用屢驗。

廣五行記。永徽中絳州有僧。病噎數年。臨死遺言。令破喉視之。得一物。似魚而有兩頭。遍體悉是肉鱗。致鉢中跳躍不止。以諸味投鉢。悉為水。時寺中刈藍作靛。試取少許置鉢中。虫繞鉢畏避。須臾虫化為水。後人以靛治噎疾。每效。

治梅核膈氣方

取半青半黃梅子。每個用鹽一兩。淹一日夜。晒乾。又浸又晒。至水盡乃止。用青錢三個。夾二梅。麻線縛定。通裝磁罐內。封埋地下。百日取出。每用一梅含之。嚥汁入喉。即消。收一年者治一人。收二年者治二人。其妙絕倫。

昆布丸 治五噎咽喉妨塞食飲不下。

昆布洗 麥門冬天門冬心焙

訶黎勒去核各一兩五錢 木通 川大

黃微炒 川朴硝 郁李仁湯浸去皮微炒 桂心 百合各一兩 羚羊角屑 杏仁

去皮尖 蘇子微炒 射干各五錢 柴胡去蘆 陳皮去白 檳榔各二錢半

右為細末煉蜜和搗三百杵丸如梧子大每服三十丸不拘時熱酒送下夜飯後用綿裹彈子大一丸噙化

雜療方

普濟方云反胃吐食藥物不下結腸三五日至七八日大便不通如此者必死昔金州周禪師得正胃散方于異人十痊八九君子收之可濟人命用白水牛喉一條去兩頭節并筋膜脂肉及如阿膠黑片臨時旋炙用米醋一盞浸之微火炙乾淬之再炙再淬醋盡為度研末厚紙包收或遇陰濕時微火烘之再收遇此疾每服一錢食前陳米飲調下輕者一服立效

集驗療反胃朝食暮吐暮食朝吐方

羊肉去脂膜作脯以好蒜蘘空腹任意食之立見效驗

聖濟總錄治咽喉妨礙如有物吞吐不利方

杵頭糠

人參

各一錢

石蓮肉

炒二錢

水煎服日三次

生生子云噎膈反胃乃是三病古今未有剖折其義者夫飲食入於噎間不能下噎隨即吐出自噎而轉故曰噎膈是膈膜之膈非隔截之謂也飲食下噎至於膈間不能下膈乃徐吐出自膈而轉故曰膈翻胃是飲食已入胃中不能運化而下脘又燥結不通朝食暮吐暮食朝吐自胃中倒出故曰翻胃也均一吐病有上中下之分潔古老人論曰上焦吐者主於氣中焦吐者主於積下焦吐者主於寒

虛勞統論

虛勞一曰虛損蓋積勞成虛積虛成弱積弱成損也虛者空虛之謂損者破散之謂虛猶可補損則罕有復完者矣

古有五勞五蒸六極七傷之名而不一其說然五勞者主五藏心勞肝勞脾勞肺勞腎勞是也五蒸者主軀體膚蒸肉蒸脈蒸筋蒸骨蒸是也六極者氣極血極筋極肌極精極骨極合內外兼陰陽者也七傷者大飽傷脾大怒氣逆傷肝強力舉重

久坐溼地傷腎。形寒飲冷傷肺。憂愁思慮傷心。大恐懼不節傷志。風雨寒暑傷形。合形藏神而言者也。外此所謂志勞憂勞。瘦勞思勞。及陰寒陰痿。裏急精迷等證。為七傷者。皆非也。

損證有自上至下者。有自下至上者。而皆以中氣為主。故難經一損損于肺。皮聚而毛落。二損損于心。血脈虛弱不能榮于藏腑。婦人則月水不通。三損損于胃。飲食不為肌膚。此自上而下者也。一損損于腎。骨痿不能起于牀。二損損于肝。筋緩不能自收持。三損損于脾。飲食不能消剋。此自下而上者也。機要云。虛損之疾。寒熱因虛而感也。感寒則損陽。故損自上而下。治之宜以辛甘淡。過于胃則不可治也。感熱則損陰。故損自下而上。治之宜以苦酸鹹。過於脾則不可治也。夫脾胃居中而運水穀。脾胃氣盛。四藏雖虛。猶能溉之。不然則四藏俱失其養矣。得不殆乎。故曰。過于脾胃者不治。

治損之法。莫善於難經。謂損其肺者益其氣。損其心者調其榮衛。損其脾者調其飲食。適其寒溫。損其肝者緩其中。損其腎者益其精。蓋肺主氣。益之使充也。心主血。而營衛者血之源。和之使無偏也。脾運水穀而主肌肉。調之適之。毋因其內亦

无傷其外也。肝苦急，緩之使疎達也。腎主精，益之使不匱也。後人不辨損在何藏，槩與養陰清火術亦疎矣。

陳藏器諸虛用藥凡例，本出千金。此在初學，殊足以為準則。若夫得心應手，神明變化，端不在此區區形迹間也。

虛勞營衛不足

虛勞營衛不足者，脈極虛，孔遲，短氣裏急，四肢痠疼，腹中痛，或悸或衄，或手足煩熱，咽乾口燥，宜甘酸辛藥調之，甘以緩急，酸以養陰，辛以養陽也。

小建中湯方

白芍六兩 甘草

桂枝

生薑

大棗

膠飴

虛甚者加

黃耆

半兩

右六味以水七升，煮取三升，去滓，內膠飴，更上微火消解，溫服一

升，日三服。深師治虛勞腹滿，食少泄瀉者，無膠飴，有人參二兩，半夏一升。

必效方治虛勞失精，加龍骨白斂各一兩。古今錄驗治虛勞裡急，小腹急

痛，氣引胸脇，或心痛短氣，以乾薑代生薑，加當歸四兩。

經云：肝生于左，肺藏于右，心位在上，腎處在下，脾居四臟之中，生育營衛，通行津

液一有不調則失所育所行矣。必以此湯溫健中臟故名建中。中藏者脾胃也。脾欲緩急食甘以緩之。故以飴糖為君。甘草為臣。桂枝辛熱散也。潤也。營衛不足潤而散之。芍藥酸寒收也。泄也。津液不足收而行之。故以芍桂為佐。生薑辛熱大棗甘溫胃者衛之源。脾者營之本。衛不足益之必以辛。榮不足補之必以甘。甘辛相合脾胃健而榮衛通。故以薑棗為使也。

大建中湯方 治內虛裏結少氣手足厥冷小腹攣急或腹滿弦急不能食起即微汗陰縮或腹中寒痛或唇口乾精自出或手足乍寒乍熱而煩冤酸疼不能久立多夢失精

黃耆

當歸

桂心

芍藥

人參

甘草

半夏

黑

附子

炮各二錢半

每服五錢水二觔薑三片棗二枚煎一觔去滓食前溫服

本方加白朮茯苓麥冬川芎熟地茯苓名十四味建中湯皆補益榮衛之劑也

炙甘草湯 治虛勞不足汗出而悶脈結悸行動如常不出百日危急者十一

日死

炙甘草四兩桂枝

生薑各三兩麥冬去心麻仁各半人參

阿膠各二兩

大棗三十枚生地黄一斤

右九味以酒七升。水八升。先煮八味取三升。去

滓。內膠消盡。溫服一升。日三服。

朱雀湯 治勞傷心氣變生諸疾

雄雀一隻取

赤小豆一合人參

赤苓

紫石英

小麥

大棗

肉苁蓉一兩紫苑

遠志

丹參各半

炙甘草半錢

右細剉拌勻。每服

三錢。用水一錢。煎六分。去滓。食遠溫服。奇效

肺勞

肺勞者。呼吸少氣。咳嗽喘急。喘乾氣極。則皮毛焦。乾津枯力乏。腹脹喘鳴。由預事而憂。或風邪久住而成。宜分邪正。冷熱而治之。

紫苑湯 治氣極皮毛焦枯。四肢無力。喘急短氣。不足以息。

紫苑草洗

乾薑炮

黃耆

人參

五味子

鐘乳粉

杏仁

燄炒甘草等分

右咬咀。每服四錢。水一錢。薑三片。棗一枚。煎服。無時。

葛可久保和湯 治風寒久嗽成勞。及肺燥成痿者。服之決效。